

ԳՐԱԲԱՐԻ ԺԱՄԱՆԱԿԱՆԻՇ ԲԱՌԵՐԻ ԻՄԱՍՏԱԲԱՆՈՒԹՅՈՒՆԸ

Գրաբարի բառային կազմում որոշակի շերտ են ներկայացնում ժամանականիշ բառերը, որոնք գործածության լայն շրջանակներ են ունեցել լեզվի զարգացման բոլոր փուլերում՝ գրաբարում, միջին հայերենում և աշխարհաբարում:

Գ. Ջահուկյանը «Հայոց լեզվի պատմություն. նախագրային շրջան» գրքում առանձնացնում է բառերի իմաստային թեմատիկ 23 խումբ, որի 10-րդ կետը ժամանակ ցույց տվող բառերն են՝ *հին, ծեր, այժմ, միշտ, հաճախ, ստեպ, օր, գիշեր, ցերեկ, ամառ, աշուն, ձմեռ, գարուն, ամառ* և այլն¹:

Լ. Հովհաննիսյանը «Գրաբարի բառապաշարի իմաստային խմբերի քննություն» գրքում նշում է, որ ժամանակ հասկացության նախագրաբարյան (վաղնջա-հայերենյան) հետքեր չկան, իսկ գրաբարում արդեն գործածում էին ժամանակ և ամանակ բառերը՝ վերջինիս ոչ հաճախ կիրառությամբ: Նա հավանական է համարում վաղնջական շրջանում ժամանակ հասկացության արտահայտումը աուր բառով²:

Ժամանակ հասկացությունն այն առանձնահատկությունն ունի, որ ճանաչելի է իր կոնկրետ դրսևորումների՝ բնության մեջ անխախտ հաջորդականությամբ միմյանց փոխարինող երևույթների շնորհիվ³: Ժամանականիշ բառերը լայն գործածություն են ունեցել թե՛ Ոսկեդարի մատյաններում, թե՛ «Աստվածաշունչ» մատյանում: Հմմտ.

Առաջի ամսուայ տասնելչորսին իրիկուայ դեմ զատիկ է Եհովայի համար /Ղեւ ԻԳ. 23/: Այս յիսուներորդ տարին Յոբելեան տարի լինի ձեզ համար.../Ղեւ ԻԵ.25/

Ժամ բառը գրաբարում բազմիմաստ է: ՆՀԲ-ում հանդիպում են հետևյալ իմաստները.

1. չափ շարժման արևու՝ որպես մասնիկ ամանակի՝ բաղկացեալ ի վաթսուն բոպէից, 2. որպես ժամանակ ինչ նշանակեալ, սահմանեալ, 3. ըստ ախտարաց՝ Դիտելի մասն բոպէի ի կենդանակերպս, յաստեղատունս վասն գուշակելոյ, 4. ըստ տոմարագիտաց՝ Բաժանումն բոպէից՝ ի սկզբան տուրնջեան և գիշերոյ, 5. ժամասացություն:

«Առձեռն բառարանում». 1. մասն ժամանակի, 2. ատեն, 3. մասն բոպէի յաստեղաց շարժման և վայրկեան ծնեղեան ըստ առասպելաց ախտարաց, 4. բաժանումն բոպէից ըստ տոմարագիտաց՝ արև ցաթելու և մտնելու ատենները, 5. տարւոյն եղանակները, 6. ժամերգութիւն:

¹ Ջահուկյան Գ., «Հայոց լեզվի պատմություն. նախագրային շրջան», Եր., 1987, էջ 204-222:

² Հովհաննիսյան Լ., Գրաբարի բառապաշարի իմաստային խմբերի քննություն, Եր., 2008, էջ 73, 79:

³ Բառնապյան Զ., Ժամանականիշ բառերը բարբառներում, Եր., 2009, էջ 115:

Հր. Աճառյանը վկայում է ժամանակ քառի վաղ գրաբարյան աղբյուրներում հաճախակի կիրառության մասին և առավել հավանական է համարում պաշկավական փոխառություն լինելը՝ ժամանակ ձևով⁴:

Ժամանակ քառի համար տրվում են հետևյալ իմաստները. 1. ատեն, 2. Տարի, 3. հասակ, մարդու կեանք, 4. դար, 5. վախճան կենաց, 6. չորս եղանակ տարւոյ, 7. ներկայ վայրկեան, 8. յարմար ատեն, 9. ժամադրութիւն և այլն:

Գրաբարում գործածական են եղել նաև բույլ, վայրկեան քառերը, որոնցից վերջինը գործածել են միայն խորենացիներ և Բուզանդը՝ վայրիկ (մի) ձևով, որտեղ բառիմաստը մեկ վաթսուներորդ մասը չէ, այլ կարճ ժամանակամիջոց, պահ⁵: Երկուսն էլ, ի տարբերություն ժամանակի, հետին գործածություններ են: Հմմտ.

Անցաք ի սուրբ տեղիսն երկրպագել, և մնալ վայրկեան ի Պաղեստինացոյ հրահանգս (Խոր., 344): Ջի ասէին. Վայրիկ մի ես սակաւիկ մի ես կայցիս ժոյժ և ահա հասեալ է օգնականութիւն (Բուզ., 145):

Գրաբարի բառապաշարի քննությունից ակնհայտ է, որ այն հարուստ է ժամանակահիշ քառերով, և նույն քառերը համապատասխան իմաստներով հանդիպում են տարբեր հեղինակների երկերում:

Ստորև մենք կփորձենք քննության ենթարկել գրաբարի ժամանակահիշ քառերը՝ անհրաժեշտաբար կատարելով որոշակի դասակարգումներ, որպեսզի ամբողջական կերպով ներկայացնենք այդ կարգի միավորների բառաքերականական բնութագիրը: Ըստ այդմ, ժամանակահիշ քառերը քննելու ենք ըստ ձևաիմաստային խմբերի՝ անհրաժեշտաբար հաշվի առնելով նաև քերականական այլ հատկանիշներ հս:

Ժամանկային հոմանիշներ. Գրաբարում ժամանակահիշ քառերի իմաստային խումբը հարուստ է հոմանիշներով: Հոմանիշներ են կոչվում միևնույն հասկացությունն արտահայտող այն քառերը, որոնք ունեն մոտ կամ նույն իմաստներ և միաժամանակ կարող են տարբերվել ռճական կիրառությամբ, հուզարտահայտչական գունավորմամբ, գործածականությամբ և ուրիշ քառերի հետ կապակցվելու տարբեր ունակությամբ, ինչպես՝ անդադար-շարունակաբար, աներկոյ- մշտառիւ, աղջամղջել- մթագնել, անցիկ- Զատիկ- պատէք, հասարակօրութիւն- գուգօրութիւն, անխավար- լուսաւոր, այգ- առաւաւտ, միշտ- յաւիտեան, գարուն- գարնայնի և այլն:

Հոմանիշները դասակարգվում են նաև ըստ խոսքի մասերի պատկանելության՝ գոյականական, ածականական, բայական և այլն: Հոմանշությամբ հարաբերակցվող երկու քառեր կազմում են հոմանշային գույգ, իսկ հոմանշային տարրերի խումբը՝ հոմանշային շարք, իսկ հարաբերակցվող յուրաքանչյուր տարր՝ հոմանշային շարքի անդամ:

Երբ շարքի անդամները իմաստային-գործառական այլևայլ առնչակցություններով լիովին համընկնում են, կոչվում են բացարձակ հոմանիշներ, իսկ երբ

⁴ Աճառյան Հր., *Հայերեն արմատական բառարան*, հ. 2, Եր., 1973, էջ 222:

⁵ Հովհաննիսյան Լ., *նշվ. աշխ.*, էջ 74:

ամկա է իմաստային մասնակի համընկնում, շարքի անդամները կոչվում են հարաբերական հոմանիշներ:

Այժմ դիտարկենք գրաբարի ժամանականիշ բառերի հոմանշային գույգերն ու շարքերն ըստ խոսքիմասային արժեքների:

Ա. Հոմանշային գույգեր.

1. Ածականական հոմանիշներ

Անխաւար (միշտ լուսավոր) – լուսաւոր (լույս ունեցող). հմմտ. Լինելոց է շինութիւն... լսնխաւար... քաղաքին /Ագաթ., 336/: Լուսաւոր պատմութեանօր գգեցուցանեն /Ագաթ., 8/:

Մշտնջենական (հավերժական) – լսխտենական (հարատև). հմմտ. Մուսնոյն առաջին... մշտնջենական և լսխտենական ծնունդ, ի մշտնջենական և լսխտենական Հօրէն առաջ գամենայն / Ագաթ., 191/:

2. Գոյականական հոմանիշներ

Այգ (կանուխ առավոտ)- առաւաւտ (ցերեկվա սկիզբը). հմմտ. Զայգն գառաւօտն... մատուցանէր /Ագաթ., 28/: Ի լուսանալ առաւօտուի... մատուցանէր /Ագաթ., 433/:

Տիւր և ցերեկը վկայված են հինգերորդ դարից, քայց առաջինը գործածութեան ավելի վաղնջական աղուքներ ունի:

Ցերեկը շատ ավելի երկար ժամանակահատված է ընդգրկում՝ ձգվելով առավոտից մինչև երեկո, այսինքն՝ օրվա ողջ լուսավոր մասը: Ցերեկը բնիկ հայերեն բառ է՝ երեկ (երեկո) բառից՝ ց նախադրով և նշանակում է «մինչև երեկո եղած ժամանակը»⁶:

Աղայանը «Ընդհանուր և հայկական բառագիտություն» գրքում ցերեկ ժամանականիշ բառի հետ կապված նշում է. «Բնիկ հայերեն երեկ արմատից են սերում երեկ- երեկո- ցորեկ ձևերը, որոնք իմաստային զարգացում են ապրել և բնեռացել հետևյալ կերպ. երեկ-ը, որը գրաբարում «երեկո» իմաստն ունի, ամրակայվեց «նախորդ օրը» իմաստով, երեկո-ն ձեռք բերեց օրվա վերջին լուսավոր ժամանակահատվածի իմաստը, իսկ ց նախադրով ածանցված ցերեկ բառը «մինչև երեկո ընկած ժամանակահատվածը» իմաստով սկսեց կիրառվել՝ դուրս մղելով գրաբարյան տիւ ժամանականիշը»⁷: Հմմտ.

Ոչ կարէր բանիցն տալ պատասխանի մինչև ցերեկոյ /Կողբ., 87/: Զի այն ինն տիւ էր և ինն գիշեր / Ագաթ., 546/:

Ամ (տարի)- տարի (տասներկու ամսվա տևողություն). Ոսկեդարում ամ և տարի բառերը հոմանշային գույգ են: Մակայն հինգերորդ դարից տարին հիմնականում օրացուցային և տոմարական հասկացություն է դառնում, իսկ ամը բազմիմաստ է, որը պայմանավորված է երա հեղեղորոշական ծագումով:

Հմմտ. Հնգետասան ամ է զի ընկեցին:/ Ագաթ., 17/: Եւ նա ծածկեալ բռնացեալ ունէր գերկիրն առ հասարակ իբրն տարի մի/ Բուգ., 15/:

⁶ Աճառյան Հր., Հայերեն արմատական բառարան, հ. 4, Եր., 1979, էջ 453:

⁷ Աղայան Էդ., Ընդհանուր և հայկական բառագիտություն, Եր., 1984, էջ 105:

3. Մակբայական հոմանիշներ

Միշտ (շարունակ, անդադար)- յաւիտեան (միշտ). հմմտ. Արժան է... ի վերայ քո աղօթել ամ ի լինել քեզ միշտ այսպիսի /Խոր., 5/: Թագաւորեացի ի վերայ տանն Յակովբայ յաւիտեան /Ագաթ., 188/:

Հոմանշային գույգի անդամները կարող են պատկանել տարբեր խոսքի մասերի, որոնք հարաբերակցվում են որոշակի ընդհանուր հատկանիշով: Արդպես հոմանշային գույգ են կազմում գոյականը և մակբայը, ածականը և մակբայը: Հմմտ.

Գարուն (տարվա առաջին եղանակը)-(գոյ.) - գարնայնի (գարուն, գարնանը)-(մկբ.) - Գարունին. գայն կերպարանս բերի /Ագաթ., 336/: Մառոցն բոյսք բողբոջոյն գարնանայն երեսցին /Ագաթ., 331/:

Անժամանակ (անսկիզբն, հավիտենական)-(մկբ.) - մշտնջենաւոր (հավիտենական, հավերժ)-(ած.). Հմմտ. Բարձրացուցանէ զխոնարհս... յանկէտ և յանժամանակ / Ագաթ., 41/: Քանզի Շապուհ աղայեանց... հաստատել զխաղաղութիւն մշտնջենաւոր /Խոր., 236/:

Բ. Հոմանշային շարք(եր)

Գրաբարի ժամանակակիշ բառերի իմաստային խմբում համեմատաբար սակավ են հոմանշային շարքերը, թեև հանդիպում են եռաշարք և քառաշարք հոմանիշներ: Ըստ խոսքիմասային արժեքների՝ դրանք բաշխվում են մակբայի և բայի տիրույթում, ինչպես՝ անդադար- անդուլ- շարունակ, աղջամղջել-մթազնել-աղօտանալ- նսեմանալ, այգանալ- առաւօտանալ- առաւօտել- լուսանալ և այլն:

Անդադար- անդուլ- շարունակ շարքում կա նաև ձևի իմաստ, ինչպես՝ անդադար (շարունակաբար, միշտ) - անդուլ (անդադար, շարունակ)-շարունակ (չընդմիջվող, անընդհատ): Հմմտ.

Յանհեարին ուղիս սաստկութեան անկանի, անդադար հոլովմամբ զըրեալ /Խոր., 314/: Եւ խորհրդակցաց իւրոց անդուլ առնել հարցումն վասն այսպիսւոյ պատճառի / Խոր., 74/: Այլ և շարունակ քանակն երկակի է, քանզի է որ անշար է, և որ շարժուն / Անհաղթ, 128/:

Ժամանակային հականիշներ. Հականիշները բառային գույգեր են, որոնք արտասանությամբ տարբեր են, իմաստով՝ հակառակ, և յուրաքանչյուր գույգ պատկանում է միևնույն խոսքի մասին:

Հականիշությունը հիմնականում տարածվում է բառերի վրա, ըստ այդմ էլ հականիշներ ասելով՝ ամենից առաջ հասկանում ենք հականիշ բառերը, որոնք ներկայանում են գույգերով: Զույգի անդամներից մեկը կարող է մյուսի հանդեպ հակադիր իմաստներ արտահայտել (հակադրական հականիշներ), կամ էլ մեկը բացասում, ժխտում է մյուսին (ժխտական հականիշներ)⁸:

Գրաբարում հականիշները հիմնականում գոյականներ և մակբայներ են:

Ժամանակային հականիշները, ինչպես ընդունված է, կարելի է ներկայացնել հակադրական և ժխտական տեսակներով:

⁸ Պետրոսյան Հ., Հայրենագիտական բառարան, Եր., 1987, էջ 313:

1. Հակադրական հականիշներ.

Հակադրական հականիշների բաղադրիչները հիմնականում արտահայտվում են մակբայ խոսքի մասով, հազվադեպ գոյականով:

ա) Մակբայական արժեք ունեն միշտ (շարունակաբար)- երբեմն (մի ժամանակ, մի անգամ), այսօր (ընթացիկ՝ ներկա օրը)- երեկ (այսօրվան նախորդած օրը). հականիշների բաղադրիչները հմմտ.

Արժան է... ի վերայ քո աղոթել՝ առ ի լինել քեզ միշտ այսպիսի /Խոր., 5/: Յորում և մեր իբրև զձեռք երբեմն զերնելիսս կարծեաք արարիչ /Եղ., 168/:

բ) Գոյականական արժեք ունեն՝

Տիւ (ցերեկ, օրվա լուսավոր ժամանակը)- երեկոյ (մութ ընկնելու ժամանակը). հմմտ. Ձի այն ինն տիւ էր և ինն ցիշեր / Ագաթ., 235/: Իսկ... երեկոյ եղև ժամ ընթերաց թագաւորին Պարսից /Կողբ., 142/:

Տիւ (ցերեկ, օրվա լուսավոր ժամանակը) -ցիշեր (օրվա մի մասը՝ մայրամուտից մինչև լուսաբաց). հմմտ. Որ տիւ իցէ և ոչ ցիշեր /Ագաթ., 235/:

Հակադրական հականիշները, ըստ իրենց ձևաբանական և բառակազմական առանձնահատկությունների, լինում են տարարմատ կառուցվածքի:

2. Ժխտական հականիշներ.

Ժխտական հականիշները նույնարմատ կազմություններ են, որոնց հակա-նշությունն արտահայտվում է ժխտական նախածանցների միջոցով: Այդպիսի հականիշների բաղադրիչները հաճախ դուրս են գալիս մինևնույն խոսքի մասի սահմաններից՝ պայմանավորված ածանցի բառակազմական նշանակությամբ:

Հմմտ. Ժամանակ (տևողություն, որ չափվում է ժամերով) - անժամանակ (որի համար ժամանակ չկա). հմմտ.

Ջորոյ անմահութիւն ի դէպ ժամանակի հանիմանեսցուք /Կողբ., 196/: Բարձրացուցանէ զխոնարհս... յանկէտ և յայնժամանակ /Ագաթ., 41/:

Ժխտական հականիշները զգալիորեն ցածր տեսակարար կշիռ ունեն գրաբարի բառային կազմում:

Ժամանականիշ բաղադրիչով համատեղական կազմեր

Համատեղներ են կոչվում այն բառերը, որոնք նույն են գրությամբ կամ արտասանությամբ և տարբերվում են միայն իմաստաբանորեն կամ քերականորեն, կամ էլ միաժամանակ թե՛ իմաստաբանորեն, թե՛ քերականորեն⁹:

Տվյալ դեպքում մենք դիտարկել ենք այն համատեղները, որոնց բաղադրիչներից մեկն ունի ժամանակային իմաստ՝ արտահայտված գոյականով կամ մակբայով, իսկ մյուս բաղադրիչն ունի անկախ բառական արժեք: Այսպիսի համատեղները համարվում են բառական համատեղներ:

Ժամանականիշ համատեղների բաղադրիչները արտահայտվում են՝

ա) գոյականներով. պահ¹- ժամանակ- պահ²-պահեստ, շար¹- 360 տարվա ժամանակաշրջան- շար²-մետաքսից թափանցիկ ու նուրբ գործվածք, դար¹- հարյուր տարվա ժամանակահատված -դար²- Բորձունք, Բորձրադիր վայր և այլն:

⁹ Սուրբհայան Ա., Ժամանակակից հայոց լեզու, Եր., 1999, էջ 115:

բ) գոյականով և ածականով. արբուն¹- հասունություն, չափահասություն- արբուն² -բմպելի, խմելու պիտանի, հարմար,

գ) մակբայով և դերանունով. անտի¹- այն ժամանակից- անտի² -այն. հմմտ. Անտիյայտ էթե եւ բաւանդակ իսկ չարեացն արարիչ Աստուած/ Կողբ., 35/: Ազատել զհոգիսն ի տանջանաց անտի/ Կողբ., 273/:

դ) մակբայով և գոյականով. արդ¹- այժմ, ներկայումս, հիմայ- արդ² -հար- դարանք, արդուգարդ. հմմտ.

Արդ... կամաւ և սիրով յայն առէք / Փարպ., 44/: Ոչ միայն արդուց և զար- դուց և կերպարանայ արարիչ / Կողբ., 27/:

Ինչպէս ցույց են տալիս լեզվական փաստերը, գրաբարի բառային կազմում որոշակիորեն շատ են գոյականական բաղադրիչներով կազմված համանունական զույգերը, որոնցից մեկը, ինչպէս նշել ենք, արտահայտում է ժամանակային իմաստ:

ա) Սկզբնաղբուրներ

1. Ագաթ.- Ագաթանգեղոս, Պատմութիւն Հայոց, Տիփլիս, 1957:
2. Անհաղթ-Անհաղթ Դաւիթ, Սահմանք իմաստասիրութեան, Ե., 1960:
3. Աստվածաշունչ, Աստվածաշնչի վերագրատում 1896 թվականի արևելահայերեն «Արարատ» հրատարակությունից, Bible League International, 2010:
4. Բուգ.- Փաւստոսի Բուգանդացոյ Պատմութիւն Հայոց, Ս. Պետերբուրգ, 1960:
5. Եդ.-Եդիշէի Վասն Վարդանայ և հայոց պատերազմին, Ե., 1957:
6. Խոր.-Մովսիսի Խորենացոյ Պատմութիւն Հայոց, Տիփլիս, 1913:
7. Կողբ.-Երզնկայ Կողբացոյ Բազրուանդայ եպիսկոպոսի Եղծ աղանդոց, Վենետիկ, 1826:

բ) Բառարաններ

- Աճառյան Հր., Հայերեն արմատական բառարան, հ.հ. 2-4, ԵՊՀ հրատ., Երևան, 1973- 1979:
- Առձեռն բառարան հայկազեան լեզուի, Սուրբ Դավաթ, Վենետիկ, 1865:
- Աւետիքեան Գ., Մխրմէլեան Խ., Մ. Աւգերեան, Լոր բառգիրք հայկազեան լեզուի, ի տպարանի Սրբոյն Դավաթու, հ.հ. Ա-Բ, Վենետիկ, 1836-1837:
- Գաբամաճեան Ս., Լոր բառգիրք հայերէն լեզուի, Տպագրութիւն Ռ. Սա- գաեան, Կ. Պոլիս, 1910:
- Խաչատրյան Լ., Գրաբարի ուսումնական բառարան, Երևան, 2013:
- Դավաթեան Ռ., Գրաբարի հոմանիշների բառարան, Մեծի Տանն Կիլիկիոյ Կաթողիկոսութիւն, Անթիլիաս, 2006:
- Դավաթեան Ռ., Գրաբարի բառարան, ԵՊՀ Հրատարակչութիւն, հ.հ. Ա-Բ, Երևան, 2000:
- Պետրոսյան Հ., Հայրենագիտական բառարան, Երևան, «Լույս» հրատ., 1987:

СМЫСЛОВОЕ ЗНАЧЕНИЕ СЛОВ ДРЕВНЕАРМЯНСКОГО ЯЗЫКА, ПОКАЗЫВАЮЩИХ ВРЕМЯ

___ Резюме ___

___ С. Давтян ___

В статье подлежат разбору древнеармянские слова, показывающие время, и выделяются их видосмысловые группы: синонимы, антонимы, омонимы. Из омонимичных пар один член выражает временной смысл.

Синонимы, антонимы, и омонимы показывающие время, в основном являются существительными и наречиями.

	Существительные	наречия
Синоним	рассвет- утро	беспрерывно-постоянно
Антоним	время - не время	сегодня - вчера
Омоним	век - неровность поверхности	актуально-украшение

Смысловые все три группы представлены как парами, так и рядами, однако в древнеармянском языке лидируют двучленные структуры.

Տեղեկություններ հեղինակի մասին

Դավթյան Միջազգային Անաստասի- ՀՀ ԳԱԱ լեզվի ինստիտուտի հայցորդ,
Երևանի Գ. Էսինի անվան թիվ 182 ավագ դպրոց, E-mail: bubush@inbox.ru